di andar contra l'imperador, erano cavalchati driedo el monte dil Montello, e li se haveano messi ad alozar in certe caxe *etc.*

239 Dil provedador Gradenigo, di Trevixo, venute eri, di 4, hore 2 di note. Come à inteso, per letere di la Signoria nostra, come poi la rota, dete li nostri di Padoa a' francesi, el signor Zuanne di Gonzaga, era in Vicenza, come l'à inteso, dice, verà bon numero di gente, tamen mandò subito via li soi cariazi. Scrive, i nimici sono, ut supra, a Monte Beluna, e dicono volersi levar, sicome li exploratori referiscono.

Dil dito, a horre 5. Come eri et ozi havea fato le mostre di fanti dil capetanio et pagati e dato ducati 300 al capetanio, el qual etiam vol ducati 100 di la provision. Item, in quella horra è venuto uno explorator di campo, dice, si parlava fra i nimici de levarsi; dove vadi, non sa. Era carestia di pan et vino, e tutto quello guadagnano lo mandano a la volta di Vicenza, Verona et in lochi securi. Dice, alemani hanno 3 boche di artellaria, ragionevelmente grosse, et picole alquante. Francesi hanno una bocha di canon e falconeti 9 in X, e che alemani e francesi non si portavano tropo ben insieme. Hanno 14 in 16 burchiele sopra i cari. Serive, starano vigilanti etc. Item si duol, le sue letere capiti tardi; dà la colpa al podestà di Mestre, non le manda presto, o a le barche, e scriveno do e più volte al di.

Dil dito, di 5, hore 17. Come la note andando esso provedador et ogni matina atorno la terra e poi a' Santi 40, manda fuora le scoperte, el vene uno dicendo, 500 cavali de'inimici esser andati verso la Scala; altri dicea, sono andati contra l' imperador, qual era calato in uno castello li intorno solum con la sua corte. Et con diti 500 cavalli era andato monsignor di la Palisa per saper l'opinion sua, si 'l vol venir zoso a tuor l'impresa di Trevixo o no, e che in campo si dice, si per tuto luni non termenerà et mandarà dito imperador gente assa'. hanno ordine di Franza, di levarsi e retrarsi a li soi alozamenti. Et questo aviso li à mandato a dir uno stratioto, partesan di la Signoria nostra, dicendoli, se mandi qualche volta in campo noncij a lui, chè aviserà il tutto, et che zonte 14 boche di artellarie, sono a Soave, et 300 lanze e quelli vasconi, ch' è numero 4000, venirano poi a la volta di Bassam per tuor questa impresa. Item, scrivendo, zonse li stratioti mandati fuora, e menono con si 8 stratioti de' nimici, presi con li soi cavali, et examinati disseno ut supra, ma non cossì distinte, et che haveano 12 in 14 burchiele o barche da ponti sopra i cari, e li ponti e tre cari cargi di seale, e todeschi non se fidano di francesi, nè francesi de' todeschi, e che cadaum di lhoro tenivano le scolte verso de nui, e l' un di l'altro per non se fidar, et alozano uno mio 239 e mezo lontan uno di l'altro, et le fantarie sono alemano, pochissime francese, et mancho di 1800 de' francesi. *Item*, che li contadini ancora sono nel boscho dil Montello, e nemici pur li hano fato danno quando li animali venivano fuora; ma quelli stanno dentro. I nimici non osano andarvi, et quelli è andati per il vadagno, è stà mal tratati e toltoli li cavali; e questo aviso ha per homeni partiti in questa notte dil ditto boscho e venuti lì, in Trevixo.

Exemplum.

240

Die V septembris 1511, in rogitis.

Non accade *cum* molte parole explicare el gran bisogno ha el stato nostro de haver danari presti in quella maior quantità se pol, et perhò

L'anderà parte, che 'l sia posta una X.^{ma} et meza tansa al monte novissimo de l'officio nostro del sal, da esser pagate, la X.^{ma} per tuto XV del mese presente, et la meza tansa per tuto XXV, *cum* don de X per 100 a quelli che in li ditti termeni le pageranno de contadi;

Possase scontar dicte angarie cum li denari prestadi, arzenti et ori posti in cecha, per vigor de le parte ultimamente prese, cum el don in quelle contenuto, et similiter cum el pro del monte novissimo del presente mese, mostrando j bolletini de non esser debitori de la Signoria nostra de quatro officij, videlicet governadori, cazude, sal et 3 savij sopra el regno de Cypri.

Item, de quelli che fusseno creditori per la parte compagnata de contadi cum li modi et condition che hanno pagato de precedente X.^{me} et meze tanse poste al monte novissimo, videlicet la mità in contadi, et l'altra mità cum el credito, secundo da deliberation de questo conseglio.

Item, tuti quelli che sono creditori de li do quarti de tansa, posti questi mesi passati ad restituir sopra li depositi del sal, et quelli che sono creditori de la prima mità del pro de marzo del monte novo, 1510, che per deliberation de questo conseglio ponno compagnar el suo credito cum denar contadi, et che non havesseno possuto compagnarlo fin hora, habiano termine giorni octo de farlo, possendo, et loro scontar ne le presente et subsequente angarie cum le condition de li altri, non li preiudicando per